

RESOLUCIÓN 08/2022

Reunida en sesión ordinaria a Xunta Electoral da FEGAN, sendo as 9:00h do 12 de xullo de 2022, estando presentes todos os seus membros emiten a presente resolución cos seguintes

ANTECEDENTES DE FEITO

- I. No presente día tense publicado o censo definitivo de acordo co disposto na Resolución 05/2022.
- II. Mediante a publicación da Resolución 07/2022 estableceuse a distribución dos membros da Asemblea de carácter definitivo, sendo a citada resolución firme, toda vez que non cabe recurso contra esta.
- III. Na mencionada Resolución 07/2022 desta Xunta Electoral determínase que o número total de entidades deportivas é 54, repartido como corresponde por estamentos, especialidades e provinciais, tal e como se establecía provisionalmente no artigo 18.1 do Regulamento Electoral.
- IV. O artigo 19.4 do Regulamento Electoral dispón que ***"Cando o número de persoas candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral."***
- V. Toda vez que o número de membros a escoller é coincidente co número total de entidades deportivas que figuran no censo definitivo e entendendo que é vontade de todas estas entidades deportivas formar parte da Asemblea Xeral da FEGAN, corresponde, co fin de facilitar os trámites a todas as persoas xurídicas afectadas, declarar de oficio a súa candidatura. En todo caso, procede establecer a posibilidade de que todas aquelas que non desexen realmente presentar a súa candidatura poidan comunicalo no prazo establecido para a presentación de candidaturas e sexan excluídas do listado de candidaturas neste estamento.

En virtude do exposto,

RESOLVEN

1. Considerar de oficio a todas as entidades deportivas que figuran no censo electoral definitivo como candidaturas para o estamento de "entidades deportivas", cada un no seu respectivo estamento e especialidade, co fin de que non teñan que remitir cada un deles a súa candidatura.

2. Habilitar a posibilidade a todas as entidades deportivas que figuran no censo definitivo deste proceso electoral a que poidan manifestar a súa vontade de non presentarse a este proceso e non formar parte da Asemblea Xeral **antes do vindeiro día 15 de xullo ás 14:00h remitindo un correo electrónico a xunta.electoral@fegan.org.**
3. Remitir a presente resolución ás presidentas e presidentes das entidades deportivas que conforman o censo definitivo e dar a maior publicidade, dentro dos medios dispoñibles da FEGAN, ao presente acordo.

A presente resolución publicarase para coñecemento público e contra a mesma poderase interpor recurso ante o Comité Galego de Xustiza Deportiva, nun prazo de 3 días hábiles a partir do día seguinte ao da súa notificación, de conformidade co disposto no artigo 33 do Regulamento Electoral.

Para que conste os efectos oportunos, certifico esta resolución co visto e prace do presidente, na Coruña, a 12 de xullo de 2022.

O secretario da XE,



Asdo.: Aitor Bouza Manso

Vto e prace: O presidente da XE,



Asdo.: Patricio Sánchez Fernández